



Inatsisartunut ilaasortaq Niels Thomsen, Demokraatit

Naalakkersuisunut apeqquut: Suna peqqutaava, Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisup ingerlaannaq Inatsisartut ilisimatissimanngimmagit, Danmarkip Namminersorneq pillugu Inatsit akerlilerlugu Naalagaaffiit Peqatigiiffiit Innarluutillit pillugit isumaqatigiissutaat atortussanngortissimagaa Kalaalit Nunaannut tunngatillugu tunuarsimaarallarani?

13. okt 2011
Sagsnr. 2011-056183
Dok. Nr. 735962

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Asasara Niels Thomsen

Apeqqummut nassiussannut qujanaq, taanna apeqqummik imaqarpoq soq Inatsisartut ingerlaannartumik paasitineqarsimanngitsut Danmarkip Namminersornermi inatsit unioqqutillugu FN-ip innarluutillit pillugit aalajangersagaa atuuttussanngortissimagaa Kalaallit Nunaannut immikkut nangaassutitalernagu.

Aallaqqaasiutigalugu oqaatigineqassaaq 2006-imili FN-ip innarluutillit pillugit aalajangersakkat akuerineqarmata Kalaallit Nunaanni Namminersorerullitik Oqartussat aalajangersakkat pillugit iliuuseqarmissaat siunertaralugu ilisimatinneqarmata.

Ataqqeqatigiinneq Danmarkip Kalaallit Nunaatalu suleqatigiinneranni pingaaruteqarpoq. Taamaammat uggornartorujussuuvoq FN-ip innarluutillit pillugit aalajangersagaa qallunaat naalagaaffiat sinnerlugu atuuttussanngortissimmagu Kalaallit Nunaannut immikkut nangaassutitalernagu. Namminersorneq pillugu inatsisip § 13, imm. 4 unioqqutitsineq tamanna Naalakkersuisut assut pinartutut isigaat.

Naalakkersuisut kukkuneramik tassannga ilisimatinneqarsimapput qallunaallu socialministeeriaaniit Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisumut utoqqatsertoqarsimalluni. Kalaallit Nunaata isumaqatigiissummit anerusulluni kissaateqarsinnaavoq, tamatumalu malitsigissavaa Danmarkip isumaqatigiissummit aninera. Tamatuma kingorna Danmarkip isumaqatigiissut nutaamik isummerfigisariaqalissavaa, aamma Savalimmiunut atatillugu, isumaqatigiissummi Savalimmiut atortussanngortereersimavaat.

Maannakkumut suli inaarutaasumik isummerfigineqanngilaq Naalakkersuisut pisumut qanoq qisuariassanersut.

Erseqqissarneqassaaq Naalakkersuisut anguniagarinngilluinnarsimammassuk Kalaallit Nunaata FN-ip innarluutillit pillugit aalajangersagaanut ilaatinneqalersimanera isertuutissallugu. Aalajangerneq pingaaruteqartuummat Naalakkersuisunut

pingaaruteqarsimavoq paasissutissat tunngavii qanorpiarlu pisoqarsimanera inisseqqaassallugu Inatsisartut saqqummiiffiginnginnerinni.

Naalackersuisut pingaartippaat aalajangiussisoqartinnagu tamatigut eqqarsarluaqqaartarnissaq. Nalinginnaanngitsumik pisoqarpoq Danmarkip Kalaallit Nunaat sinnerlugu FN-ip innarluutillit pillugit aalajangiussaa atuuttusanngortimmagu. Tamannalu pissutaavoq pisumi qanorpiaq pisoqarsimanerata ataatsimut paasiniarnermut piffissaajartoqartariaqarsimammat.

Oqaluuserisassani UKA 20011-mi, immikkoortoq 51-imut akissuteqaammi takuneqarsinnaasutut aalajangiiffigisassatut siunnersuut Naalackersuisut akuersaarpaat, 2012-umullu eqqarsaatigalugu siunnersuummik saqqummiussaqaalersaarlutik, FN-ip innarluutillit pillugit aalajangiussaa Inatsisartunut akuersaaqqullugu.

Inussiarnersumik inuulluaqqusillunga

Mimi Karlsen